

**KJKP „ Gradski saobraćaj „ d.o.o
SARAJEVO**

**PRAVILNIK O
VIDEO-NADZORNOM SISTEMU U
TRAMVAJSKIM VOZILIMA KJKP „GRASA“ d.o.o. Sarajevo**

Sarajevo, februar 2020.godine

Na osnovu člana 21.a Zakona o zaštiti ličnih podataka Bosne i Hercegovine („ Službeni glasnik BiH broj: 49/06 i 76/11) i člana 77stav (1) tačka 11. Statuta KJKP „Gradski saobraćaj“ d.o.o. Sarajevo, Uprava preduzeća na sjednici održanoj dana 21.02.2020. donijela je

**PRAVILNIK
O VIDEO-NADZORNOM SISTEMU U
TRAMVAJSKIM VOZILIMA KJKP „GRASA“ d.o.o. Sarajevo**

Član 1.

- (1) Pravilnikom o video-nadzornom sistemu u tramvajskim vozilima KJKP „GRAS“ d.o.o. Sarajevo (u daljnjem tekstu: Pravilnik) regulisano je prikupljanje, obrada i čuvanje ličnih podataka korištenjem video-nadzora.
- (2) Ovaj Pravilnik primjenjuje se na odgovarajući način u skladu sa zakonskim i podzakonskim aktima kojima se uređuje i regulira zaštita ličnih podataka.
- (3) Izrazi koji se koriste u ovom Pravilniku, a koji imaju rodno značenje, bez obzira na to jesu li korišteni u muškom ili ženskom rodu, obuhvaćaju na jednak način i muški i ženski rod.

Član 2.

- (1) Video-nadzorni sistem je postavljen na adekvatna mjesta u tramvajima, a na temelju organizicijskih i sigurnosnih potreba, te tehničkih mogućnosti.
- (2) Video-nadzorni sistem obuhvata unutrašnje kamere koje se nalaze u svakom dijelu tramvajskog vozila i kabini vozača, koje bilježe podatke izgleda i kretanja osoba i to bez zvuka, na sljedećim mjestima:
 - Jedna kamera u kabini vozača koja snima prostor vozača i ulaz prvih vrata
 - Po jedna kamera u svakom dijelu tramvaja koja snima unutrašnjost tog dijela i vrata sa unutrašnje strane na tom dijelu. U trodjelnim tramvajima, u svakom dijelu, je smještena po jedna kamera, a u dvodjelnim tramvajima je u zadnjem dijelu postavljena po jedna kamera na prednjem i zadnjem dijelu.
 - U svakom tramvaju su postavljene po 4 kamere
- (3) Video-nadzorni sistem u tramvaju povezan je sa monitorom koji se nalazi na pultu kod vozača.

Član 3.

- (1) Sistem video-nadzora provodi se isključivo u svrhu zaštite života i zdravlja ljudi i imovine, s ciljem smanjenja izloženosti ljudi i imovine riziku od razbojništva, nasilja, krađe, oštećenja, uništenja i sl.
- (2) Opseg prikupljanja i daljnja obrada podataka korištenjem video-nadzora ograničena je na ispunjenje svrhe iz stava (1) ovog člana.

Član 4.

Pristup podacima, odnosno uvid u sadržaj nastao korištenjem video-nadzora ima osoba za pristup ličnim podacima iz video-nadzora. Ovu osobu ili više njih imenuje Uprava preduzeća.

Član 5.

Evidentiranje pristupa podacima video-nadzora mora imati automatski sistem zapisa koji će sadržavati:

- vrijeme i mjesto pristupa,
- oznaku osoba koje su izvršile pristup podacima prikupljenih putem video-nadzora.

Član 6.

- (1) Mora biti onemogućen pristup sistemu video-nadzora neovlaštenim osobama.
- (2) U svrhu iz stavka 1. ovoga člana, podaci prikupljeni putem video nadzora zaštićeni su sigurnosnom lozinkom koja je poznata samo osobama ovlaštenim za pristup ličnim podacima.
- (3) Pristup podacima prikupljenim putem video nadzora imaju nadležna državna tijela u okviru obavljanja poslova iz svog zakonom utvrđenog djelokruga, na temelju pisanog zahtjeva koji mora sadržavati svrhu i pravni temelj za korištenje ličnih podataka. Za ovaj pristup podacima vodi se posebna evidencija.

Član 7.

- (1) Podaci prikupljeni korištenjem sistema video-nadzora čuvaju se najduže 30 dana, a nakon isteka tog vremena podaci se automatski brišu. Memorisani su uvijek podaci snimljeni poslednjih 30 dana.
- (2) Odredba iz stava (1) ovog člana ne odnosi se na slučaj počinjenja krivičnog djela, oštećenja ili uništenja imovine i sl., kada se prikupljeni podaci o takvim događajima mogu čuvati kao dokazni materijal te na pisani zahtjev ustupiti pravosudnim i policijskim tijelima.
- (3) U slučaju opravdane potrebe može se u svakom pojedinačnom slučaju odlučiti da se podaci čuvaju duže ili kraće od vremena navedenog u stavu (1) ovog člana.

Član 8.

Uređaji za snimanje se nalaze u tramvajima, a administrativni centar kontrole i obrade podataka nalazi se u dispečerskom centru na Čengić Vili i kontrolnom centru na Skenderiji.

Član 9.

Na ulazu u vozilo, na vidnom mjestu, stoji obavještenje o vršenju video-nadzora i kontakt telefon putem kojeg se mogu dobiti pojedinosti o video-nadzoru.

Član 10.

Ovaj Pravilnik stupa na snagu narednog dana od dana objave na oglasnoj ploči Preduzeća.

07/108

26-02-2020

Presjedavajući Uprave preduzeća

V.D. Generalni Direktor

Jakub Jakubur